

APOLOGIE

OV DEFENCE DES

CATHOLIQUES VNIS LES

vns avec les autres , contre les impostures
des Catholiques associez à ceux de la pre-
tendue Religion.

M. D. XXCVI.

Case


F

39

.326

THE NEWBERRY
LIBRARY

1586 02



APOLOGIE OV DEFENCE

*des Catholiques vnis les vns avec les autres
contre les impostures des Catholiques asso-
ciez à ceux de la pretenduë Religion.*

S

Il ny auoit que ceux de la
pretenduë religion qui se for-
malisassent de la Ligue des
Catholiques, ie le porterois
pariemmet, veu que la Ligue
n'est faite que pour les exter-

miner. Mais ie perds patience quand ie voy
que quelques Catholiques, au moins qui se
dient estre de la Religion Catholique, Apo-
stolique & Romaine se passionnent ainsi, se
bandent, & contrelignent contre ceux qui ne
pretendent que maintenir la Religion anciën-
ne de France, & dont eux-mesmes font pro-
fession. Encores si quand ils blasment & con-
damnent la Ligue comme chose contraire à
l'estat & au repos public, ils n'espargnassent
point noz ennemis les Heretiques qui se sont
liguez, ont fait des bources communes, &
baillé des pensions aux chefs de part, tant en

ce Royaume, que hors d'iceluy: ie dirois que
 fils mesdisent de la Ligue, il leur est à pardô-
 ner ne voulans traiter les differens de la Foy
 par armes: Mais en lieu de condamner tant
 l'une que l'autre Ligue, ils persecutent les Ca-
 tholiques par conuices & calomnies, comme
 gens sceleiez, mutins, turbulens, & excusent
 les heretiques, les defendent, & soustiennent
 leur cause comme iuste, sainte, & fauorable.
 Toutesfois on voit que depuis vingt-quatre
 ans en çà les Heretiques n'ont point tant fait
 la guerre aux Catholiques qu'ils l'ont faite au
 Roy, sur lequel ils ont surprins & retenu plu-
 sieurs bonnes villes & places en ce Royaume
 dont ils iouyssent encores à present, comme
 fils les auoient conquises sur leur ennemy.

O R voyons à quelle fin tend la Ligue des
 Catholiques & puis on iugera si elle est sain-
 te ou si elle est cõtre le bien & le repos public.
 Elle contient deux chefs, l'un qu'autre Reli-
 gion que celle de l'Eglise Catholique Aposto-
 lique & Romaine n'ait lieu en ce Royaume.
 L'autre qu'aucun ne soit admis & receu à la
 Couronne s'il n'est Catholique: & tel que
 tous les Rois de France ont esté en Religion.
 Pour le premier chef, j'entendrois volontiers
 de ceux qui font des inuectiues contre nous,
 & se dient Catholiques, quel interest ils ont
 qu'il ny ayt qu'une religion en France de la-
 quelle ils font profession. S'ils sont si pacifi-

ques qu'ils se ventent d'estre, il n'y a rien qui tant entretienne en paix soit vne famille particuliere vne Cité ou vn Royaume, que la conformité de Religion noz peres en ont veu l'experiance, car quand on ne sçauoit en France autre Religion que celle que saint Denis y auoit preschée, iamais nation ne se trouua plus vnüe en volonte & plus obeïssante à son Prince. Mais depuis l'an mil cinq cens soixante & trois, que l'on donna permission de prescher la religion Caluiniste en ce Royaume, onques puis n'auons nous eu que troubles & guerres ciuiles. Je ne puis comprendre que ce soit vne paix entre no⁹ quād vn prescheur d'une part soustient la religion de nos ancestres, d'autre part on dit tāt en la presche publique qu'és assemblées particulières que le Pape est l'Anthechrist, que l'Eglise des Catholiques est vn bourdeau spirituel, que le Sacrement de l'autel est vne habominatiō, que nous sommes idolastres, gens reprouuez misificateurs perdus & damnez.

De telles contentions on en viēt aux armes, & puis quant bien de telles disputes la guerre n'en aduiendroit point plusieurs qui sont de conscience sont par trop marris de veoir perdre leurs voisins amis & parens quand ils entendent qu'ayans hanté les Heretiques ils renoncent leur Foy, & ou au parauant ils viuoient en bons amis, se voians diuisez de re-

ligion, ils se diuisent aussi d'amitié, n'estant possible que l'amitié subsiste ou il y a diuersité de religion: car les anciens ont défini vne amitié estre vn consentement des choses diuines & humaines avec charité & bien-vueillance, de façon qu'il est bien difficile que deux personnes soient bien d'accord ensemble, quand ils ne s'accordent point en la religion. Mais il y en a qui dient qu'il ne se faut point tant formaliser pour la religion, & que c'est follie de prendre les choses tant à cœur, que l'on en vueille perdre l'aise & le repos d'une bõne paix. C'est vne belle proposition pourueu que Dieu en fust content, mais si nous lisons en l'Euangile, il n'entend pas que nous en facions si peu de cas de nostre salut ou de celluy de nostre prochain, pourneât les Apostres auroiët souffert martire s'il nous deniõs estre de si bõne cõposition en matiere de Foy.

Or ie n'entends point disputer contre les gens indiferens qui ont maintenu par escrit que l'on peut estre sauué chacun en sa Foy, car ie croy qu'il ny a qu'une Foy, non plus qu'il ny a qu'un Dieu, & que hors de la Foy il ny a salut aucun. Ie reuiens à ce premier chef que demandent ceux de la ligue qu'il ny ait qu'une religion en France, ils demandent que l'on reforme la religion & que l'on la remette en l'estat qu'elle estoit il y a vingt & quatre ans: qu'il n'estoit permis de prescher le calui-

nisme en France, ils demandent que l'on face
 en ce Royaume ce que l'on fait en Angleter-
 re, Hybernie, Escosse, Dannemarq, pais de
 l'obeissance du Roy de Nauarre, en Geneue
 & plusieurs lieux de Suisse, & d'Allemaigne,
 ou il n'est licite de faire exercice de religion
 autre que celle de leur Prince. En France no-
 stre Roy est Catholique, autre religion ny a
 esté receuë depuis le Roy Clouis premier
 Roy Chrestien iusques en nostre temps, quel
 tort auons nous de voulloir tenir la religion
 de nos ancestres? de ne voulloir admettre v-
 ne religion nouuelle qui est de l'inuétion de
 Caluin? religion que les Rois pere & ayeul
 de nostre Roy ont fait condamner, que les
 Parlemēs de France ont punis à feu & à sang
 si nous la voulons bannir d'auec nous. Enco-
 res ceux de la ligue dont on dittant de mal
 ne sont pas si cruels qu'estoient messieurs de
 la Cour de Parlement lesquels faisoient bru-
 sler tous vifs ceux qui estoient heretiques, on
 demande seulement qu'ils n'aient à prescher
 leur religion de laquelle ils peuuent infecter
 les bons Catholiques. En Angleterre on tiēt
 bien autre seuerité pour le fait de la religion,
 les Catholiques sont contrains vuidier leur
 pais, & viure entre nous de l'aumosne des bō
 nes gens: ou s'ils ne deguerpitent le Pays, ils
 sont mis en prison, sont mis à la questiō, sont
 pendus & estranglez, & leur tire lon le cœur

du ventre, s'ils sont conuaincus d'auoir fait dire vne Messe, d'auoir retiré vn Prestre, en leur maison pour baptiser leurs enfans & les absoudre à leur mort. Si nous estions si terribles que cela que diroit on de nous? nous ne serions bons pour estre gerez aux chiens, toutes fois il se trouuent des discoureurs qui esleuent iusques au Ciel la paix & le repos de l'Angleterre, c'est bien vne belle paix pour les vns mais non pour les autres, c'estoit vne paix à Romme pèdant que les Chrestiens estoient en petit nombre & que l'on les faisoit souffrir martyre, quād sous Auguste tout estoit paisible, mais ceste paix n'estoit point tant sous Auguste que sous le Diable qui est appelé le Prince de ce Monde. Je croy bien que si tous estions Huguenots, la paix y seroit quant au Monde: mais quant à Dieu, ie ne croiray iamais celà. Quant Dieu recommande la paix, il dit ie vous laisse la paix non pas comme le Monde la donnée: tellement qu'il y a bien difference entre la paix de Dieu & celle des hommes.

Je croy bien aussi que si nous estions gens de si bonne composition que sont nos courtisans, qui sont prests à receuoir telle religion qu'il plaira au Roy, il y auroit apparence que la paix se pourroit establir entre nous: si l'on ne se formalisoit non plus pour la Foy que l'on fait pour les façons d'habillemens, ou
autres

autres choses indifferentes, mais tous ne peuvent estre de cet aduis, les vns sont prechés par les Prestres & Theologiens qui tiennent bon que lon ne diuise point le veſtemēt de nostre Seigneur, les autres par les Ministres qui en dient autant de leur costé. Voicy des gens neutres qui nous veulent mettre d'accord & nous proposent que le Turc endure bien en ses Pais deux voire trois, & quatre religions, mais nous ne sommes pas Turcs, & n'aduouions pas l'Alcoran qui est fait de deux religions. Or laissons à part la cause de la Religion pour les gens de conscience, & parlōs de ce qui est cause de mettre les troubles en France. Quand il n'iroit que de l'interest du Roy est-il possible que la paix fust de duree en ce Royaume? ceux de la religion pretendue se sont emparez de plusieurs grosses villes du Domaine du Roy. Pour quelque temps ils les deuoient retenir pour la ſeureté de leurs personnes, lōg temps y a que les termes sont expirez qu'ils les deuoient redre, & toutefois ils les possèdent, & puis on dit que lon est turbulent si on parle de faire rentrer le Roy en ses villes. Je demanderois volontiers à ces discoureurs pacifiques s'ils voudroient souffrir que lon detint quelques places à eux appartenantes & ce contre leur gré. Qui est l'homme si paisible qui le voudroit endurer qu'il ne meist incontinent en proces

ces ministres detenteurs, & s'il n'en pouuoit rien obtenir par iustice qu'il ne prist les armes pour rentrer en ses biens, toute fois nous voulons que le Roy laisse ses ennemys iouir des villes de montauban, la Rochelle & autres, & se cantonnent en son Royaume pour ne luy obeyr que tant qu'ils voudront. Il me semble que ces gens là ne doiuent controler les actiōs de nostre Roy de si pres qu'ils font, luy qui ne fait chose que nous & tout autre seigneur ne feissions à l'endroit de noz subiects si vouloient tenir bon contre nous.

Mais se peuent ils persuader que nostre Roy qui porte vn tiltre hereditaire d'estre tres- Chrestien & que l'on voit si adonné à la deuotion plus que iamais on veit Roy portant Couronne prene plaisir de veoir blasfemer Dieu par les Heretiques en son Royaume? que nostre Roy qui est Pere du peuple prene plaisir de veoir les Ministres ses subiects denigrer sa religion? quand il ne peust dernièrement souffrir que les Ambassadeurs de d'Annemarq mesdissent du Pape, & de la religiō Catholique. Mais s'en offensa de sorte que n'eust esté la liberté des Ambassadeurs qu'il ne vouloit violer, il les eust outragez, ainsi qu'il dit par apres.

Le Roy est trop instruit en la Foy, pour ne croire point qu'il n'est pas constitué Roy que pour maintenir l'honneur de Dieu, que cest

son deuoir d'auoir soing du salut de son peuple: & qu'il doit rendre raison des ames de ses subiects, que c'est à luy de pouruoir de bons euesques consequẽment de chasser les Loups de la bergerie de Dieu, qu'il a promis à son Sacre qu'il maintiendra la religion Catholique: qu'il ne veut forligner de la Foy de ses ancestres, mais y laisser plustost la vie, aiant appris que Dieu se courouça par trop contre les Rois de Iudée qui n'auoient d'estruit la religion des mescreans, & abatu les Autels des faux Prophetes. Il est escrit au xvij. chapitre du Deuteronomie que le Roy que l'on cõsult doit estre pris d'entre les freres, affin qu'il ne face le peuple de Dieu idolastres: on sçait qu'en Angleterre si tost qu'ils ont eu vn Roy ou vne Royne Heretiques aussi tost le commun peuple à changé de religion.

Aussi nostre Roy ne s'est point rendu inexorable quand il a esté requis d'abolir la religion Caluiniste, mais en fait dresser vn Edict irrevocable que luy mesmes il prononça par sa bouche seant en son lit de Iustice au Parlement de Paris. Ce que les gens du Roy approuuerent requerans la publication, & le Parlement ordonna avec grand aplaudissement du peuple qui en remercia le Roy criãs à haute voix viue le Roy, les Eglises en feirent actions de graces à Dieu, le peuple en feist les feux de ioye par la Ville, laquelle de tout tẽps

porte en sa deuise vn Dieu, vn Roy, vne Foy, vne Loy. De là est ensuiui qu'une infinité de personnes qui faisoient profession du Caluiniste se sont rendus à l'Eglise Catholique abjurans leurs Heresies. Voila les effects de la Ligue.

M A I S on dira que de là sont procedées les guerres qui ont eu cours depuis cét edict publié. Pour respondre à ceste obiection nous dirons que la guerre est procedée de l'opiniastreté & obstination de ceux qui ont voulu demeurer en l'heresie, & ne l'abiurer comme ont fait aucuns de leurs confreres qui sont reuenus à nostre Eglise. La guerre est comme vn proces, celuy qui à commencé le proces n'est pas tousiours condamné és despens, mais celuy là que l'on trouue auoir ou mal commencé, ou mal soustenu le proces.

Et comme si ie poursuiuois en iustice celuy qui iniustement me detient mon heritage, & que lon me dit que ie fusse vn mauuais homme de chiquaner & tourmenter celuy là par procez: on auroit tort de me cōdamner, moy qui repete mon bien par iustice, on auroit tort d'excuser celui qui est cause du procès pour auoir vsurper ce qui n'est point à luy.

Aussi nostre Roy faisant la guerre aux Huguenots qui luy detiennent les villes contre son gré, qui detiennent les biens des Ecclesiastiques qui cōme en la Rochelle font la pres-

che en la grande Eglise ou lon souloit dire la Messe, qui ne veulent obeir à l'Édict du Roy qui defend la religion Calviniste. A tort donne lon la coulpe des calamitez de la guerre au Roy qui est bien fondé en sa cause, & non à ceux qui iniustement occupēt les villes qui ne sont à eux mais au Roy. La guerre ne se peut faire sans incommoder le peuple: Aussi ne peut on plaider sans grands frais. Toutefois si de peur de despēdre de l'argent ie voulois negliger mon bien & craignois de plaider, ceux qui seroient aduertis de ma pusilanimité me surprendroient tantost vn heritage, tantost vn autre, & serois en peu de temps mis en chemise. Aussi le Roy si pour craindre de fouler son peuple il n'osoit faire la guerre à ceux qui vsurpent ses villes, ses voisins & ses subiects aduertis de celà l'auroient bien tost fait le Roy despouillé. Prenez vous dōc à ceux qui ont donné la cause à la guerre.

Pendant qu'aucuns furent en Flandres pour conquerir des villes vous louiez & approuuiez leurs guerres, encores que nous en ayōs souffert beaucoup. Pourquoi trouuez vous mauuais que le Roy vueille conseruer ses heritages paternels? Ceux de Boudeaux & de la Rochelle autrefois s'estoient mutinez contre noz Roys, on trouua bon d'y mener des armées & leur faire recognoistre leur seigneur. Je ne trouue point que le Roy puisse plaider

le sien contre gens armez que par guerres, & ne pense point qu'on puisse faire guerre qu'auec quelque incommodité. De douter si les Heretiques ayent esté en armes, ie m'en raporte à tous ceux qui depuis vingt ans sont entrez en la Rochelle, Montauban, Saint Iean d'Angelli, & autres villes, fils n'ont pas tousiours trouué des gardes aux portes, faisans sentinelles & corps de garde, armez & embastonnez. Ie vous prie pourquoy ces armes si non pource qu'ils n'entendent point que le Roy en soit le maistre? Tellement que si le Roy ennuyé, de ne se voir absoluëment obeï en toutes ces villes là, comme il est en Paris, & autres, où les Catholiques sont les plus forts, s'est mis en effort de recouurer ce qui est à luy, & que ses ancestres luy ont laissé, on ne le doit censurer de la façon que lon fait, veu que quand les autres Rois qui ont regné auant luy faisoient guerre pour conquerir le Duché de Milan, ou auoir raison de quelques Ambassadeurs outragez on ne controloit point leurs actions.

Le second chef que pretendoient ceux de la Ligue estoit qu'aucun ne fust admis, & receu pour successeur à la Couronne s'il n'estoit Catholique, ainsi qu'ont esté tous les Rois qui ont regné iusques anjourd'huy, sans que l'on ait spécifié ou designé aucun soit fils de Roy soit par père paternel ou maternel du Roy,

de la noz ennemis ont conclud que la Ligue estoit dressée contre le Roy de Navarre , & tous les Princes du sang , & que c'estoit violer la Loy Salique.

M A I S ou le Roy de Navarre n'est point Heretique comme aucuns tiennent , ou il est prest de quitter & abiurer sa religiō pour estre Roy de France comme dient les autres , ou bien il doit tenir bon pour la religion Caluiniste: Pour le premier point s'il est Catholique & non Heretique , il ne se doit offencer de la Ligue, qui n'exclud de la Couronne que les Heretiques, tellement que l'adresse de ces lettres ne sont à luy, & ne luy touchent aucunement. S'il est prest de renoncer à sa religion pour estre Roy de France, & qu'il le face, ceux de la Ligue seront grandement loiez d'auoir esté cause d'une si belle conuersion & chacun s'en doit resiouyr avec les Anges du ciel, qui se resiouyissent de la conuersion d'un pecheur. Et s'il demeure obstiné en son erreur & que par ce moyen les François ne le veuillent recognoistre pour leur Roy, les Catholiques doiuent remercier la Ligue d'un si grand bien d'auoir esté cause que la religion Catholique n'aura point esté bannie de France, & qu'un Heretique n'ait point commandé en ce Royaume. Vous me direz que la Loy Salique sera violée & que nous enfreindrons tout droit diuin & humain.

* A QVOY y a facile solution, car si au refus
 d'accepter par le Roy de Nauarre la religion
 Catholique & faire le mesme serment à son
 Sacre que tous les autres Rois ont fait, il se
 rend incapable d'estre Roy, apres luy il y a
 des Princes du sang qui sont Catholiques
 Dieu merci &, dignes de porter Couronne, &
 quand il ny en auroit point mais voulussent
 tous adheier au Roy de Nauarre & plustost
 renoncer à leur Foy, qu'à la Loy de Phara-
 mōd qui estoit Payen, qu'ils aimassent mieux
 faillir à l'Eglise où ils ont pris baptesme, qu'à
 abandonner ceux de leur sang, en ce cas nous
 qui n'auons point ceste passion particuliere à
 leur maison ny obligatiō si forte que de qui-
 ter nostre Foy & consequemment nostre sa-
 lut pour eux, nous ne ferons point conscien-
 ce de rompre la Loy Salique qui a par plu-
 sieurs fois esté rompuë à moindre occasion
 que pour la Religion. Car plusieurs de noz
 Roys premiers de la race de Merouée ont e-
 sté chassez tondus, & mis en monastere ou
 pour leur impudicité, ou faitneantise, mes-
 mes le Roy Childeric l'idiot au lieu duquel
 fut mis le Roy Pepin, & Charles duc de Lor-
 raine dernier de la race de Charles Maigne
 plus proche Prince du sang, fut debouté de
 la Couronne à cause qu'il auoit faict Foy &
 hommage à l'Empereur, & auoit surchargé
 d'impōst ses subiects, au lieu duquel fut esleu
 Huë

Huë Capet chef de la maison de noz Rois qui a rôpu la Loy Salique, & si ceste Loy a esté faite pource que les François ont iugé les femmes indignes de commander., que dira l'on de nous qui y voulons admettre vn Heretique? De dire que rompant la Loy Salique on viole tout droit diuin & humain, c'est chose que ie ne puis accorder. Le droit diuin & humain general, il n'est point particulier pour vn lieu ou pour vn autre. S'il est ainsi que de droit diuin les filles & ceux qui descendent des filles de Rois sont incapables de regner, le Roy de Nauarre ne seroit pas Roy legitime de Nauarre, parce qu'il le tient par la succession de sa Mere. La Royne d'Angleterre ne seroit legitime Royne d'Angleterre d'Hybernie pour ce qu'elle est femelle.

Non plus seroit Roy d'Escoffe celuy qui y regne qui le tient de sa Mere. Ny le Roy des Espagnes qui n'a Royaume Duché n'y Cōté que par ses Meres & Aieuls, La pluspart des Ducs Comtes Marquis Barons & Seigneurs de la France, seroient iniustes detenteurs des biens qu'ils possèdent. Le Duché de Bretaigne est escheu au Roy par son ayeule. Celuy de Vendosme au Roy de Nauarre par la femme de Iean de Bourbon l'un de ses ayeulx: Montpensier est escheu par l'ayeule de monsieur de Mōtpensier qui estoit sœur du Connestable: Le Duché de Bourbon escheut à

Robert fils de Saint Louys à cause de sa femme. Le comté de l'Aual est escheu par femme de façon que si la Loy Salique est du commandement de Dieu on l'auroit bien offensé en plusieurs successions. Mais sans en venir là, prenez que la Loy Salique soit descenduë du ciel, comprise au tables de Moÿse, toutesfois nous trouuons que Dieu commande que celui qui sera reprouné par l'Eglise on le doit tenir pour vn Ethnique & Publicain, qu'il le faut fuir & euter, qu'il ne luy faut pas bailler le bon iour, que s'il estoit vn Ange descendu du Ciel qui voulust anoncer autre chose que ce qui est de nostre Foy, nous ne luy deuons prester l'oreille. Comme accorderons nous ces passages avec la Loy Salique? mais la Loy Salique ne dit point qu'on doiuerecevoir vn Heretique, celui qui là faite ny a iamais pensé. Car luy-mesmes estoit vn Payé, & mescreant, celuy là ne fut iamais dedás les Gaulles & s'il a esté au monde c'estoit auant que les François eussent esleu des Rois sur eux ou qu'ils eussét frâchi le fleue du Rhein. Et ceste Loy ne se peut entendre sinon que quand celui qui est le plus proche est idoine & capable de commander, car s'il estoit fol & insensé, s'il estoit idolastre, & creust en Mahomet ie croy que la Loy Salique ne seroit pas gardée. La Loy diuine & humaine donne la succession au plus proche parent sans di-

Attinguer s'il vient du costé paternel ou maternel ainsi que nous voions pratiquer par tout ce Royaume, vray est que pour la Couronne on l'observe autrement en France seulement, la cause est que le Royaume ne se doit point considérer comme vn Patrimoine sans plus mais est vn Magistrat pour commander: qui ne sciet pas à vne fille, mais encores moins à vn Heretique, qui pourroit corrompre & gaster tous ses tujets, en quoy tous ont grand interest.

Car si nous tenons qu'il ne faut pas que l'Heretique hâte & frequente les Catholiques de peur qu'il ne les seduise, à plus forte raison ne doit pas l'Heretique commander come Roy auquel Dieu veut que l'on obeisse. Il vaut mieux dit l'Euangile obeir à Dieu qu'aux hommes, la Loy diuine & humaine donne la succession du Pere à l'Enfant, toutesfois noz loix permettent que le Pere puisse desheriter son fils pour certaines causes & entre autres pour l'Heresie. La Loy de Dieu donnoit le droit d'aisnesse à l'aisné toutesfois Isaac puisné emporta la primogeniture comme fait Effraïm sur Manasses, Salomon estoit puisné de pauid & si emporta la Couronne affectée à l'aisné.

Toutefois ie croy que nous ne serons point en peine de disputer de ceste questio, pource que nostre Roy est encores assez ieune pour auoir enfans, & que qui en parle se debat de la chappe à l'Abbé ainsi que lon dit, & que

Dieu merci tous nos Princes ne sont pas Heretiques.

Reste à respondre aux calomnies que lon propose contre la Ligue, c'est qu'elle n'est point conduite par vn zele de Religion, mais pour assouuir l'ambition de la maison de Guyse, qui pretend la Courōne. Ceste imputatiō n'est pas nouuelle dēs les troubles d'Amboise on en disoit autant, encores que le feu Roy Henry eust laissē quatre enfans masles, robustes & ieunes assez pour auoir lignee. Mais l'euenement des guerres a monstrē que quand Messieurs de Guise ont eu les moyens de declarer si telle estoit leur intētion, ils ont trauaillē non pour eux, mais pour leur Prince. Car quand ils ont reduit à l'obeissance les villes que les Huguenots auoient surprinses, ils ne les ont retenues pour s'en saisir & imparer comme ont fait les Heretiques, & quand les Espagnols sont venus à nostre secours ils ne se sont emparez d'aucunes fortresses de ce Royaume, comme auoient faict les Anglois, qui s'estoient tellement fortifiez du Haure de Grace qu'il les en a fallu mettre hors à force de coups de canon. Quand les Huguenots vindrent assieger le Roy en sa ville de Paris, & y amenerent des Lansquenets & des Reistres, leur monstrant Paris, ils leurs disoient voila le lieu ou les Guisars tiennent nostre petit Roy & sa mere prisonniers, ils le

veulent despoiller de sa Couronne. La fin du ieu a esté que les quatres freres de la maison de Guise y ont perdu la vie, & hypothéqué leurs biens, de façon que de long temps leurs enfans n'en seront quittes. S'ils sont coupables de leze Majesté, aussi sont coupables & le feu Roy de Nauarre, les Ducs de Montpensier & Princes de la Roche Surion, le feu Connestable, les Marechaux de France, & toute la Noblesse, qui ont suivi le camp où estoient Messieurs de Guise, mesmes nostre Roy qui commandoit à la baraille de Montcontour, au siege de la Rochelle & autres exploits de guerre, sous la mesme banniere que ceux de la maison de Guise. Depuis on leur a presté d'autres charitez, on a suscité plusieurs personnes pour les charger d'auoir conspiré la mort du Roy & de feu Monsieur le Duc d'Alençon. Vn nommé Salcede s'alla deferer luy mesmes d'auoir assisté à la conspiration, il fut prisonnier, son proces luy fut fait, & fut mis à la question? où il recogneut qu'il estoit vn imposteur, fut cōdamné à estre tiré à quatre cheuaux en greue, comme calompiateur qu'il estoit, fut executé & recogneüe la verité de son imposture. Il estoit fils de l'ennemy capiral de feu Mōsieur le Cardinal le Lorrainne, toutesfois se disoit auoir traité de la con-
iuration avec messieurs ses Nepueux, deuant lesquels il n'eust osé comparer, & s'il à dit la

verité en les chargeant de ce crime il là dit aussi pour tous ceux qu'il à dit estre complices, lesquels sont Seigneurs signalez qui sont tous les iours pres le Roy, lesquels quand le Roy entendit nommer, il dit s'il est ainsi que tous ceux là aient conspiré ma mort ie ne veux plus viure, ce qui le couainquit de mensonge fut qu'estant interrogé en quel iour il parla à Monsieur de Guise & en quel lieu, Dieu permit qu'il respondit que ce fut à Paris la veille de saint Iean Baptiste, auquel iour il se verifia que Monsieur de Guise estoit à Gailon pres Monsieur le Cardinal de Bourbon, où il alluma le feu de la saint Iean, depuis cellà ils ont suscité deux hommes l'un nommé Dantar l'autre Sauuaige, qui furent à Chasteau-Tierry aduertir feu Monsieur qu'un soldat estoit arriué pour le tuer. Ce soldat fut pris, mais fut auéré q ces deux homes auoient eux-mesmes fait le marché avec le soldat, & furent enuoyez prisonniers par deuant le Lieutenant criminel de Paris, qui leur feit leur proces & apres qu'ils eurent confessé leur calónie furent executez en Greue. Encores depuis se presenta au Roy vn nommé Môtaut Gascon qu'accusa Monsieur le Duc Delbeuf d'auoir marchandé la mort du Roy, & pour faire Foy de son dire se feit donner des coups de rasouër sur le dos, ce qui fut auéré, & confessé, dont il eut la teste tranchée.

Le iour que le Roy deuoit se trouuer à saint Maur des fossés pour parler à Monsieur de Guise, se presenta au Roy vn homme auec vn papier comme vne requeste & se disparut, il donnoit à entendre au Roy que dans ce iour là Monsieur de Guise le deuoit tuer, & qu'il ne feist comme auoit fait Iules Cesar qui auoit mesprisé tel aduertissement, & neantmoins on à veu Monsieur de Guise pres le Roy ordinairement l'espace de plus de trois Mois dans Paris, où s'il se fust trouué coupable il n'eust osé comparoir,

Mais laissons la cause de Messieurs de Guise lesquels sont encores à present employez au seruice du Roy cōme leurs predecesseurs ont esté parcy deuāt, & ne parlons que pour nous mesmes. Est-il raison que pour le bien que lon desire à Messieurs de Bourbon, & l'enuie que lon porte à Messieurs de Guise, nous laissons perdre nostre Religion? & que les Catholiques tombent en l'estat où sont à present les pauures Catholiques Anglois en leurs pays? mettons hors du per & les Seigneurs de Bourbon & ceux de Guise, & pensions à ce qui est de nostre salut, ne nous dam-nōs ny pour les vns ny pour les autres: voioz combien peu il reste en l'Europe de païs, où l'heresie n'ait planté ses enseignes, & combié nous voyons les choses disposées en France de veoir vn changement en la religion sous

le pretexte d'un Estat. Le despit qu'aucuns ont conceu contre la maison de Guise nous passionne de façon, que ce nous est peu de perdre la Foy. Nous disons peut estre que le Roy de Navarre nous lailra viure en liberté de conscience. Mais qui peut deuiner celà? car c'est contre les maximes de sa religion, les liures de Luther, de Caluin, & de Beze commandent de destruire noz Eglises, chasser les prestres, & ne souffrir l'exercice de nostre Religion. Je ne me puis persuader que le Roy de Navarre soit si froid en sa religion qu'il vueille endurer en son Royaume de France, ce qu'il n'endure pas es terres de son obeissance. S'il est homme de bien en sa religion, il doit faire cesser la Messe où ils dient que nous idolatrons, & ne nous doit souffrir recognoistre le Pape qu'ils tiennent pour l'Antechrist. Representós nous qu'il fust receu & qu'il se promenast par sa ville de Paris, où il pourroit rencontrer des Processions & que lon porte le S. Sacrement aux mallades: qui seroit le precheur qui osast en ses Sermons parler contre les Hereriques? & les dementir de ce qu'ils escriuent cõtre nous? imaginez vous quels deuiendroient ceux de la pretendüe religion qui auroient vn Roy pour eux, quand ils sont tels auioird'huy ayans vn Roy Catholique & leur ennemy, ie vous lailse à penser que ce seroit de nous.

Mais

Mais on nous reproche que toute Ligue est contre l'Estat. I'ay bien leu és Politiques d'Aristote que l'vn des preceptes d'un Tyran est d'empescher les associations de ses sujets. Or ie ne tiens nostre Roy pour vn Tyran mais pour le chef des Catholiques : & me semble que le chef & les membres doiuent conspirer en vne mesme fin. On dit que Caton vouloit entretenir ses seruiteurs en noises & dissensions à fin qu'ils ne peussent coniurer ensemble, mais se descourussent l'un l'autre s'ils venoient à faillir. Ce conseil n'a pas esté approuué par plusieurs. Aussi qu'il y a grande difference entre les preceptes d'Estat & ceux de la Religion. Car il y va du salut de noz ames & de l'honneur de Dieu, les Chrestiens n'ont laissé de s'assembler à la desrobée. Comme faisoient les Apostres & leurs successeurs tât qu'ils ont esté les plus foibles, & les accusoit on de faire des Colleges illicites ainsi qu'il appert par l'une des Epistres de Pline à Trajan au dixiesme liure. Parlant des Chrestiens, & par les Apologies de ce faites par noz premiers peres, ce que lon pouuoit nommer monopoles & coniurations estant dit des Apostres que c'estoit vn mesme cœur & vne mesme âme. Les Empereurs les punissoient comme conspirateurs qui mesprisoient les Loix de l'Estat, & de la police : mais noz bons peres congnoissoient que le peu de réps

que nous auons à viure en ce monde estoit peu de chose au pris de cete eternité qui no^u attend en l'autre monde : ayans appris de leur maistre que sôn regne n'est point de ce monde, & que qui ne renonce à ce monde pour l'amour de Dieu & à sa vie mesmes, n'est pas digne de luy. Je sçay bien que ces propos seront receüs de plusieurs de ce temps corrompu avec risées, pour ce que nous sommes tōbez en vn siecle ou la religion est tenuë pour chose de peu de consequence, & pour laquelle on ne doit perdre le dormir, desquels parlant la saincte escriture elle dit: Quād ils sont paruenus à l'extremité des maux ils contemnent. Vn iour comme le feu Roy Charles neufiesme demanda à vn sien Gentil-homme s'il estoit Athée, il respondit: Sire comme seroy- ie Athée, quād iamais ie ne fus Hugue- not? comme si pour faire vn Docteur en Atheisme, il falloit passer Bachelier en Calvinisme, les Latins dient, *Nemo repente fuit turpissimus*, & l'on dit que la verité se perd en disputant par trop. Aussi sont les gens à present si ennuiez des differens de la religion, qu'ils pēsent que pour se mettre en repos, il faudroit bannir toutes les religions ensemble.

Or ie n'entends parler en ce lieu n'y contre les heretiques, car si les disputes des Sorbonistes ny peuuent rien, ie ne me sens assez grand Docteur pour les conuertir, & si n'entends

parler contre les Athées qui se moquent de tout, & ne sçauent excuser vn Zele & vne passion qui transporte les bons Catholiques.

Mais i'adresse mes paroles à ceux qui ont encores quelque crainte de Dieu, & pour estre mal informez se scandalisent de ceux qui les resueillēt de leur sommeil pour courir au feu qu'ils voient allumé en Angleterre, & es contrées voisines de la France, qui craignent que nostre Roy nous faille : & qu'un successeur vueille troubler la religion que nous ne soions pas si confirmez en la Foy, que nous soions pour souffrir vertueusement le martire.

Encores que l'on confesse publiquement que la religion Catholique soit la vraye religion, les autres soient Heresies: toutesfois on mesdit on hait & a l'on en horreur ceux qui s'associent pour maintenir leur Foy, & au contraire les Catholiques qui publiquement se sont nommez depuis dix ans les Catholiques associez à ceux de la religion, sont en credit, ceux là sont les honnestes hommes, gēs pacifiques, & vertueux, comme s'il estoit plus excusable de s'associer avec les Heretiques que tels ils nomment, qu'avec leurs confreres les Catholiques faisant profession d'une mesme religion qu'ils font. C'est le tiltre & la qualité qu'ils ont prise en la chambre de l'Edit, & fait plaider à huis ouuert, & qu'estce qu'associez sinon liguez? on nous condamne du mot de liguez,

& en effect ceux qui nous accusent sont assés, se dient & nomment tels. Ceux de la Ligue commencerent dix ans y a : & sous l'autorité de nostre Roy qui en decerna ses lettres patétes, & les enuoya en la Cour de Parlement, vray est que noz ennemis les ont depuis degousté luy donnans à entendre que c'estoit pour le tenir en bride, & establir vn estat populaire. Iamais ne fut que les Chrestiens ne fussent accusez d'estre rebelles à leur Prince, mais ils s'en sont bien defendus par leurs Apologetiques que nous pouuons encor veoir aujourd'huy: Or si l'on ne treuue que mes raisons soient si fortes qu'elles peussent defendre la Ligue des Catholiques, Je prieray au moins que l'on me pardonne, si ie ne puis condamner la Ligue qui est faite pour bannir d'entre nous ceux que noz peres ont fait brusler vifs és places publiques de ceste ville: ceux que les Papes de Romme & la Sorbonne ont césurez, ceux qui ont fait la guerre ciuile depuis vingt & quatre ans. Je ne pense point faire chose contre l'honneur de Dieu si n'ayant iamais esté nourri qu'en la religion que l'ô preche en ma Parroisse, i'ayme beaucoup mieux me ranger du parti des Catholiques liguez les vns avec les autres, que me dire des Catholiques associez à ceux de la pretenduë religion, en quoy ie suiuray le iugement du sage Salomon, qui iugea celle des

deux femmes estre la vraye mere, qui ne voulut pas que son enfant fust couppé en deux pars, & ayma mieux n'auoir point son enfant par deuers elle, que le veoir mis en pieces, aussi le vray Catholique ne peut souffrir de veoir ses freres partis en deux factions. Si nostre religion est la vraye religion receuons là, & nous y fermons, si c'est celle des Huguenots quitons la nostre & prenons la leur.

Mais d'estre metifs & approuuer l'une & l'autre, ce n'est conscience: & si ne puis croire que le Roy de Nauarre enueille approuuer deux: ainsi que j'ay appris par ce discours imprimé, où il font Roqueraule & vn Ministre disputer ceste question, & pour la cōclusion on resout qu'il ne faut dissimuler deux religions.

Et si r'appreue la Ligue que pour celà on ne m'accuse point d'estre ennemy des Princes du sang, veu qu'elle est faite sous l'autorité de monsieur le Cardinal de Bourbō premier Prince du sang, & oncle de tous les Princes, puis que la Ligue n'est faite que contre les Heretiques, & que les deux tiers des Princes du sang sont Catholiques, & si on parle de la Loy Salique ce n'est pour la blasmer, mais pour la rendre conforme & l'accorder à la Loy du Deuteronomie cy dessus alleguée, qui ne permet de receuoir vn Roy infidele, qui puisse conduire son peuple à l'infidelité.

Je ne pense aussi faire chose contre le serui-

ce du Roy, puisque luy-mesmes a suiuy l'inter-
 tition de la Ligue, qui est de defendre l'exer-
 cice de la religion Huguenote, que non con-
 tent il a amassé plusieurs armées pour faire
 guerre ouuerte à ceux de la pretêduë religiô.
 Car si ceux de la Ligue sont Espagnols, le
 Roy aussi est Espagnol, le premier qui se ioint
 à la Ligue, se sert d'eux, & combat pour leur
 querele. Aux premiers & seconds troubles
 noz Rois ont eu en leurs armées des Espa-
 gnols, enuoyez à nostre secours par le Roy
 d'Espagne, & voit on encores son Ambassa-
 deur pres la personne de nostre Roy. Et si l'ô
 veut blasmer la Ligue pour s'estre seruie de
 messieurs de Guise, on accuse le Roy qui s'est
 tousiours seruy d'eux, & s'en sert encores à
 present. De les appeller estrangers ie ne le
 puis, pource qu'ils sont parens à nostre Roy,
 & pour en trônuer la parenté il ne faur point
 monter iusques à saint Loys, dont ils sont
 descêdus par madame Anthoinette de Bour-
 bon ayeule de mōsieur de Guise, mais au Roy
 Jean, duquel ils sont venus par Madame Io-
 lād d'Anjou & du Roy Loys xii. le bifaieul
 du Roy, & d'eux, & de plus prest au Roy Hé-
 ry, Pere de nostre Roy, ayeul des enfans de
 Lorraine, d'appeller ceux de cette maison Es-
 pagnols ie ne le puis, pour ce que ie n'ay ia-
 mais remarqué vn seul traistre à la Couronne
 de France: au contraire pendant la guerre en-

tre nous & les Espagnols, ie trouue par l'histoire qu'eceux de Lorraine ne sôt espargnez en la bataille de Paue, le frere du feu Duc Anthoine fut tué aux pieds du Roy François, son autre frere mourut sous monsieur de Lautrec au voyage de Naples, en la bataille de Marignā, ce Duc Anthoine & son frere Claude Duc de Guise y estoient sous le Roy François. Pendant que le Roy François fut prisonnier en Italie, le Comte de Vaudemont feic entreprinse de le deliurer des mains de l'espagnol, par surprise ainsi que tesmoigne le sieur du Bellay en ses memoires, sous le regne du Roy Henry, feu Monsieur de Guise ne s'est point montré Esgagnol, ny en la bataille de Renty, ny au siege de Mets, & autres lieux de remarque: & si on les eust tenus tels, on ne leur eust donné des Gouuernemens de Champaigne & Bourgoingne, Frontieres, à l'Espagnol où ils n'ont iamais fait faute.

On les accuse qu'ils ont persuadé à Monsieur le Cardinal de Bourbon qui est plus âgé & plus rompu aux affaires qu'ils ne sont, qu'il est le premier Prince du sang: ie ne veux icy me ietter en dispute pour sa primauté contre le Roy de Nauarre son neveu. Mais ie diray que tout bon Arithmeticien tiendra pour vne maxime que celuy qui est au vingt & vniésme degré de parenté au Roy, est plus proche que celuy qui ne luy touche qu'au

vingt-deuxiesme. Et si noz Loix & noz cou-
stumes ne donnent representation en ligne
collaterale, sinon aux enfans des freres de ce-
luy dont la succession est controuersée. Mais
à eux le debat, Le Roy nostre maistre se por-
te encores bien Dieu merci: & est assez ieune
pour les enterrer tous, & mesmes ceux de
Guise qui ne sont pour faire vieux os veu
qu'ils ayment tant les armes. De nous autres
qui ne pretendons rien à la Couronne sinon
à celle qui est au Ciel, commune aussi bien
aux pauvres qu'aux riches, aux roturiers que
aux Princes du sang, nous n'auons interest si-
non pour nostre Religion. Laquelle nous
prions Dieu de conseruer & maintenir, à fin
que son regne aduienne en la terre comme
au ciel.

Ex Symbolo Apostolorum.

Credo Ecclesiam Catholicam sanctorum
communione.

